

TXIKIZKAKO MERKATARITZAREN INDIZEA (BMIT) 2003ko lehenengo hiruhilekoa

Euskal AEko txikizkako sektoreko salmentak %6,0 hazi ziren 2003ko lehenengo hiruhilekoan

Bizkaian %7,0 hazi ziren, batez bestekoaren gainetik, eta Araban (%5,6) eta Gipuzkoan (%4,7), ostera, neurritsuago.

Euskal AEko txikizkako merkataritzaren sektorean, 2003ko lehenengo hiruhilekoan, salmentak %6,0 igo dira, kopuru nominaletan, aurreko ekitaldiko hiruhileko beraren aldean, Eustatek emandako datuen arabera. Hazkunde nominal hori, kopuru errealetan, %3,9ko garapen positiboa da.

URTE ARTEKO HAZKUNDE TASA ERREALAK. EUSKAL AE

URTEA	HIRUHILEKOA	TXIKIZKAKOA	ESPEZIALIZATUA	EZ-ESPEZIALIZ. (AZAL. ERTAIN ETA HANDIAK)
2001	I	2,6	3,4	0,7
	II	1,8	2,1	1,1
	III	-0,5	0,2	-1,8
	IV	-1,9	-2,7	0,0
2002	I	1,9	3,5	-0,6
	II	0,8	0,0	2,4
	III	8,2	9,8	4,6
	IV	4,9	5,9	3,5
2003	I	3,9	4,3	3,1

Iturria: EUSTAT

Gune ertain eta handietako txikizkako salmentak (ez-espezializatua) %7,0 hazi dira balio nominaletan, aurtengo lehenengo hiruhilekoan. Prezioen igoeraren eragina kendu eta gero, urte arteko tasaren aldakuntza %3,1ekoa da, aurreko urteko hiruhileko beraren aldean.

Tradiziozko txikizkako merkataritzaren (espezializatua) salmenta nominalak %5,5 igo dira 2003ko lehenengo hiruhilekoan, 2002ko lehenengo hiruhilekoaren aldean. Igoera nominal hori, prezioen igoeraren eragina kenduta, %4,3koa da, balio errealetan.

Herrialde Historikoka banatuz gero, lehenengo hiruhileko honetan, Bizkaian izan da txikizkako merkataritzako salmenta nominalen hazkunderik handiena; %7,0ko urte arteko hazkundera izan baita, txikizkako merkataritza ez espezializatuaren hazkunde handiak eraginda (%8,1). Atzetik Araba du, indize orokorreko %5,6ko aldakuntza positiboarekin eta Gipuzkoan, hazkundera neurritsuagoa izan da, %4,7koa. Balio errealetan, honako hazkundeak izan dira: %4,8koa Bizkaian, %3,3koa Araban eta %2,7koa Gipuzkoan.

2003ko lehenengo hiruhilekoan txikizkako merkataritzaren sektorean ziren landunen aldetik, urte arteko %1,8ko hazkundea izan zen (aurreko urteko hiruhileko beraren aldean) Euskal AEko guztizkorako. Herrialdeka, honakoak dira datuak: Araban %2,9 hazi zen eta Gipuzkoan eta Bizkaian, %1,6.

Ohar metodologikoa:

2003ko lehenengo hiruhileko Txikizkako Merkataritzaren Indizea 2000 oinarri berriarekin egin da (1997 oinarriari jarraituz). Oinarri aldaketa honek, beste abantaila batzuen artean honakoa dakar: Euskal AEko merkataritza-sektoreko enpresa informatzaileen ordezkatzeko-panela (enpresa-kopurua nabarmen gehitu duen panela) eguneratzea.

2000 oinarri berria 1997 oinarriarekin estekatu da, 1993tik txikizkako merkataritzaren indizeak ematen dituen hiruhileko eta urteko datuei dagozkien jarraipenak egin ahal izateko inolako etenik gabe. Horiek guztiak Eustaten web orrialdean izango dira datorren astetik aurrera, erabiltzaileen eskuerara.

Argibide gehiagorako:

Euskal Estatistika-Erakundea / Instituto Vasco de Estadística
Donostia-San Sebastian kalea, 1 01010 Vitoria-Gasteiz
Tlf:+34-945-01 75 00 Faxa:+34-945-01 75 01 E-maila: eustat@eustat.es
Harremanetarako pertsona: Enrique Morales Zubizarreta
Tlf:+34-945-01 75 05 Faxa+34-945-01 75 01
Prentsa oharrak Interneten: www.eustat.es